




Soujgih Maj “Ga” Lo

手机长“脚”了

Daxboh gou dwg boux “maez soujgih” he, roengzban ma ranz le, de gawq mbouj guh hongranz hix mbouj buenx gou caeuq dahnuengx guh-caemz, ca mbouj lai sojmiz seizgan cungj yungh daeuj loengh soujgih, mwh youzbyaij yawj soujgih, mwh bae diengzhaex yawj soujgih, gwn haeux hix yawj aen soujgih. Daxmeh mbouj rox gangj geijlai baez lo, de cungj dingq mbouj haeuj rwz.

Miz ngoenz ndeu, gou swnh daxboh mbouj haeujsim, laeglemx

dawz aen soujgih de, yo youq ndaw habcej ranzdajcaemx. Gou yaeng-yaeng buet haeuj ranzdajcawj bae, angq dwk dawz gienh saeh neix lwnh hawj daxmeh nyi, daxmeh yaepda coh gou, ngaekngaek gyauej, dapwngq bang gou bauj aen mimiz neix. Gig vaiq, daxboh couh raen soujgih mbouj raen lo, gip dwk dauqcawq ra. De sien dwg genjcaz daehbuh daehvaq de baez he, youh buet haeuj ndaw rug bae youq gwnz mbonq sijsij saeqsaec fan le youh fan, ranzsaw, ranzdajcaemx, yangzdaiz, daxboh aeu gij dieg de siengj ndaej daengz haenx cungj ra baez ndeu, hoeng couh dwg mbouj raen ngaenz soujgih. Yawj gij yiengh

daxboh saetmuengh neix, gou goemq aenbak laeglemx riu.

Daxboh cam daxmeh raen mbouj raen aen soujgih de, daxmeh yawj de mbat he, naeuz: “Mwngz caeuq soujgih dwg doxnem, byawz baenhai ndaej sou ha!” Daxboh dingq ndaej ok gij vah neix dwg gae de, mbouj eiqseiq doiq okbae lo. Gvaq geij miux cung, daxboh bek aen’gyauej de mbat he le, dawz aen soujgih daxmeh bued aen haumaj he, gig vaiq sing lingz yiengj lo, daxboh swnh sing yiengj ra bae, doeklaeng raen aen soujgih de lo.

Daxmeh naeuz: “Haengjidingh dwg mwngz itmienh ok haex itmienh yawj soujgih, lumz cuengq gizde lo!”

Gangj le lij caengz hozroengz, “Hw, aen soujgih mwngz ceizcaeux miz ngoenz ndeu doek roengz gumzhaex bae.” Daxboh di ndeu hix mbouj hozndat, riunyumnyum coh dou naeuz: “Gou mbouj bae ranzdajcaemx ha. Yawjdaej baezlaeng gou yaek siujsim lo, mboujnex soujgih couh maj ‘ga’, gag buetdeuz lo.”

Daj gienh saeh soujgih maj “ga” fatseng le, daxboh gajbienq haujlai, yawj soujgih seizgan noix lo, hainduj bang daxmeh guh hongranz lo, miz seiz lij buenx gou caeuq dahnuengx guhcaemz dem! Gij bienqvaq daxboh caen hawj vunz angq ha.

(sam nienzgaep Yuz Cinghsuh)

Gij Suenqfap Vaiqviet Gou

我的快速算法

Miz baez ndeu, daxboh hai ci daiq dou bae youz. Buenq loh daxboh naeuz gyaqci youz yaek liux lo, bae gya youz cij ndaej.

Seizde, daxmeh doiq gou caeuq dahcej naeuz: “Gou daeuj gaujgauj sou, swng heiqyouz he dwg 5.9 maenz, raeuz yaek gya rim aen siengyouz, couh yaek gya 68 swng heiqyouz, yaek gya youz cij ndaej.”

Gou caeuq dahcej cungj youq ndawsim suenq. Cij geij miux cung gou couh suenq okdaej lo, dwg 401.2 maenz. Dahcej naeuz: “Mwngz baenz-lawz suenq ndaej baenzneix vaiq? Dwg luenh gangj ba?”

“Dangyienz mbouj dwg, Gou miz fuengfap suenq ndaej vaiq. Sien suenq 6×68 dwg 408, caiq suenq $408 - 6.8$, couh dwg 401.2.”

“Yo, caen coengmingz!” Daxmeh riu dwk naeuz: “Gou caiq gaujgauj mwngz, dangh-naeuz swng heiqyouz he hai ndaej 15 cienmij, yienghneix, 68 swng heiqyouz hai ndaej geijlai cienmij?”

“Neix engqgya ndei suenq! Aen soq he swngz 15, ndaej dawz aen soq neix ciethuengq caiq gya aen soq neix, caiq aeu ndaej soq swngz 10, 68 buenq he couh dwg 34, $34 + 68 = 102$, $102 \times 10 = 1020$,



hix couh dwg 68 swng heiqyouz hai ndaej 1020 cienmij.” Gou daekeiq dwk naeuz.

Daxmeh lienzlienx ngaek gyauej, haenh gou naeuz: “Suenq ndaej gig ndei, youh vaiq youh deng!”

(seiq nienzgaep Cangh Cenhyah)

Caeuq Dax-buz Gangjgoj

和奶奶闲聊

Nyaengq baenz haet lo, gwn haeuxngaiz le, gou ninz youq gwnz mbonq, caeuq daxbuz gangjgoj.

“Daxbuz, mwngz bineix ndaej geijlai bi ha, mwngz dwg bi lawz seng?”

Daxbuz riunyumnyum naeuz: “Baenz-lawz sawqmwh cam gijneix ha? Gou bineix 66 bi lo.”

“Mwngz dwg bi lawz seng?” Gou ciepdwk cam.

Gwnz naj daxbuz loh ok gij yiengh lumj cingq naemj nei: “Aenneix ma, 50 nienz? Mbouj deng…… 49, wnggai dwg 49 nienz seng.”

Gou gig ngeizvaeg, 66 bi, baenzlawz dwg 49 nienz?

Daxbuz youh siengj yaep ndeu, bwnda baez hai, naeuz: “Dwg 51 nienz seng, deng lo, 49 nienz dwg bi daxgoeng mwngz seng!”

“Yienghneix cij deng, daxbuz, geiqsingq mwngz baenzlawz baenzneix ca ha?” Gou riu dwk naeuz.

“Geq lo, geq lo, ngoenzseng swheij cungj geiq mbouj ndaej lo……mboujgvaq gou geiq ndaej bw, mwngz dwg 05 nienz 1 nyied 2 hauh seng, liggaeuq dwg ndwen 11 ngoenz 22, bi haenx doek geij ciengz siet hung ne……”

Daxbuz gangj mbouj dingz dwk dauqngex gij saeh bi gou seng haenx, lwgda ronghlik cingsaenz dangqmaz, aennaj angqvaavau. “Ngoenzseng boh mwngz dwg 1 nyied 27 hauh, goeng mwngz ha, ngoenzcog dwg ngoenzseng de…… gaej lumz hoh de ngoenzseng vaiqvued bw.”

Dingq daengz neix, gou gig doeksaet: “Daxbuz lienx swheij bi lawz ndwen lawz ngoenz lawz seng cungj geij mbouj ndaej lo, baenzlawz youh geiq ndaej cingcuq ngoenzseng gyoengqdou ne?” Gou yawj daxbuz, daxbuz cingq daekeiq riu dwk.

(seiq nienzgaep Cwnz Yihnoz)



Lwgraet Saenzgeiz

神奇的蘑菇

Miz ngoenz ndeu gyanhaet, lwgmou, lwgmui caeuq lwgdouq youq ndaw ndoengfaex laj gocoengz he raen cungj raet neix, yienghneix daihgya cungj diemz-subsub gwn lo, lwgnyaenma ndwn youq henz haenx miz di lau, mbouj gamj gwn, yawj gyoengq baengzyoux cungj gwn, de myaiz cungj rih lo. Lwgmui itcig heuh de: “Lwgnyaenma, vaiq daeuj cimzcimz ha, ndei gwn lai lo!” Lwgnyaenma dingj mbouj ndaej lo, hix aeu aen raet he cuengq haeuj bak bae gwn lo. Aeya, mbouj ndei lo, lwgnyaenma raen swheij lumjbaenz bienq huk lo, byaij loh cungj byaij mbouj ndei. De siengsim dwk daejnga’nga. Duzyiengz lauxsae raen le naeuz: “Lwgnyaenma, mwngz mboengq-neix dwg mbouj dwg gangjyaeuh

luha?” Lwgnyaenma ngaem gyauej roengzdaej mbouj eiq-seiq naeuz: “Gou caeg gwn byaek ranz boh’ au max, lij yaeuh de dwg daengnuengx gou gwn.” Duzyiengz lauxsae yaengyaeng lumh aen’gyauej lwgnyaenma naeuz: “Rox swheij loek lo youh gibseiz gaj ndei couh dwg lwgnyez ndei. Mwngz itdingh dauq bienq baenz lwgnyaenma coengmingz.” Dahraix, vah ngamq gangj sat, lwgnyaenma couh bienq dauqma lo, din fwngz hix lingzled lo. Gyoengqdoi h cungj angq dwk bekwngz lo.

Daj mwhhaenx hwnj, lwgnyaenma caiq mbouj yaeuh gvaq vunz lo. De baenz boux lwgnyez ndei lauxsae he.

(sam nienzgaep Loz Cingh-yauj)

Youq ndaw goqdangz, duzyiengz lauxsae naeuz: “Youq ndaw luegbya miz cungj raet saenzgeiz he, cungj raet neix mboujdan miz fapswd saenzgeiz, vanzlij gig ndei gwn dem. Cungj raet saenzgeiz neix miz cungj goengnaengz daegbied he: Lwgnyez lauxsaed gwn de, couh bienq ndaej yied daeuj yied coengmingz, boux lwgnyez yaeuh vunz, gwn le couh bienq ndaej yied daeuj yied huk.”